



石倉十二代詩選

唐卷之三十一下

李白下

長相思二首

長相思在長安
絡緯秋啼金井闌
微霜淒淒篔簹
色寒孤燈不明
思欲絕卷帷望
月空長歎美人
如花隔雲端
上有青冥之高
天
下有淶水之波
瀾
天長路遠魂飛
苦
夢行不到關
山難長相思
摧心肝
日色已盡
花含煙
月明欲素
愁不眠
趙瑟初停

鳳凰柱蜀琴欲奏鴛鴦絃此曲有意無人傳願
隨春風寄燕然憶君迢迢隔青天昔時橫波目
今爲流淚泉不信妾腸斷歸來看取明鏡前

前有一樽酒行

春風東來忽相過金樽綠酒生微波落花紛紛
稍覺多美人欲醉朱顏酡青軒桃李能幾何流
光欺人忽蹉跎君起舞日西夕當年意氣不肯
平白髮如絲竟何益

夜坐吟

冬夜夜寒覺夜長沈吟久坐坐北堂冰合井泉
月入閨金缸青凝照悲啼金缸滅啼轉多掩妾
淚聽君歌歌有聲妾有情情聲合兩無違一語
不入意從君萬曲梁塵飛

胡無人

嚴風吹霜海草凋筋斃精堅胡馬驕漢家戰士
三十萬將軍兼領霍嫖姚流星白羽腰間插劍
花秋蓮光出匣天兵照雪下玉關虜箭如沙射
金甲雲龍風虎盡交迴太白入月敵可摧敵可

歷代詩選 唐李白
摧旄頭滅履胡之腸涉胡血懸胡青天上埋胡
紫塞傍胡無人漢道昌陛下之壽三千霜但歌
大風雲飛揚安用猛士今守四方

北風行

燭龍棲寒門光曜猶旦開日月照之何不及此
惟有北風號怒天上來燕山雪花大如席片片
吹落軒轅臺幽州思婦十二月停歌罷笑雙蛾
摧倚門望行人念君長城苦寒良可哀別時提
劍救邊去遺此虎交金鞞釵中有一雙白羽箭

蜘蛛結網生塵埃箭空在人今戰死不復迴不
忍見此物焚之已成灰黃河捧土尚可塞北風
雨雪恨難裁

獨漉篇

獨漉水中泥水濁不見月不見月尚可水深行
人沒越鳥從南來胡雁亦北度我欲彎弓向天
射惜其中道失歸路落葉別樹飄零隨風客無
所託悲與此同羅幃舒卷似有人開明月直入
無心可猜雄劍挂壁時時龍鳴不斷犀象繡澀

苔生國耻未雪何由成名神鷹夢澤不顧鷓鴣
爲君一擊搏鵬九天

登高丘而望遠海

登高丘望遠海六鼇骨已霜三山流安在扶桑
半摧折白日沈光彩銀臺金闕如夢中秦皇漢
武空相待精衛費木石鼃鼃無所憑君不見驪
山茂陵盡灰滅牧羊之子來攀登盜賊劫寶玉
精靈竟何能窮兵黷武今如此鼎湖飛龍安可
乘

陽春歌

長安白日照春空綠楊結煙柔裊風披香殿前
花始紅流芳發色繡戶中繡戶中相經過飛燕
皇后輕身舞紫宮夫人絕世歌聖君三萬六千
日歲歲年年奈樂何

楊叛兒

君歌楊叛兒妾勸新豐酒何許最關人烏啼白
門柳烏啼隱楊花君醉留妾家博山爐中沈香
火雙煙一氣凌紫霞

山人勸酒

蒼蒼雲松落落綺皓春風爾來爲阿誰蝴蝶忽
然滿芳草秀眉霜雪顏桃花骨青髓綠長美好
稱是秦時避世人勸酒相歡不知老各守麋鹿
志耻隨龍虎爭歛起佐太子漢皇乃復驚顧謂
戚夫人彼翁羽翼成歸來商山下泛若雲無情
舉觴酌巢由洗耳何獨清皓歌望嵩嶽意氣遙
相傾

于闐采花

于闐采花人自言花相似明妃一朝西入胡胡
中美女多羞死乃知漢地多名姝胡中無花可
方比丹青能令醜者妍無鹽翻在深宮裏自古
妬蛾眉胡沙埋皓齒

王昭君

漢家秦地月流影送明妃一上玉關道天涯去
不歸漢月還從東海出明妃西嫁無來日燕支
長寒雪作花蛾眉憔悴沒胡沙生乏黃金在圖
畫死留青塚使人嗟

白頭吟

錦水東北流波蕩雙鴛鴦雄巢漢宮樹雌弄秦
草芳寧同萬死碎綺翼不分雲間兩分張此時
阿嬌正嬌妬獨坐長門愁日暮但願君恩顧妾
深豈惜黃金買詞賦相如作賦得黃金丈夫好
新多異心一朝將聘茂陵女文君因贈白頭吟
東流不作西歸水落花辭條羞故林兔絲本無
情隨風任傾倒誰使女蘿枝而來強縈抱兩草
猶一心人心不如草草捲龍鬚席從他生網絲

且留琥珀枕或有夢來時覆水再收豈滿杯棄
妾已去難重回古來得意不相負祇今惟見青
陵臺

臨江王節士歌

洞庭白波木葉稀燕鴻始入吳雲飛吳雲寒燕
鴻苦風號沙宿瀟湘浦節士感秋淚如雨白日
當天心照之可以事明主壯氣憤寒風生安得
倚天劍跨海斬長鯨

白紵辭

揚清歌發皓齒北方佳人東隣子且吟白紵停
綠水長袖拂面爲君起寒雲夜捲霜海空胡風
吹天飄塞鴻玉顏滿堂樂未終館娃日落歌吹
濛

鳴雁行

胡雁鳴辭燕山昨發委羽朝度關一一銜蘆枝
南飛散落天地間連行接翼往復還客居煙波
寄湘吳凌霜觸雪毛體枯畏逢矰繳驚相呼聞
弦虛墜良可吁君更彈射何爲乎

白鼻騮

銀鞍白鼻騮綠地障泥錦細雨春風花落時揮
鞭直就胡姬飲

扶風豪士歌

洛陽三月飛胡沙洛陽城中人怨嗟天津流水
波赤血白骨相撐如亂麻我亦東奔向吳國浮
雲四塞道路賒東方日出啼早鴉城門人開掃
落花梧桐楊柳拂金井來醉扶風豪士家扶風
豪士天下奇意氣相傾山可移作人不倚將軍

勢飲酒豈顧尚書期
雕盤綺食會眾客
吳歌趙舞香風吹
原嘗春陵六國時
開心寫意君所知
堂中各有三千士
明日報恩知是誰
撫長劍一揚眉
清水白石何離離
脫吾帽向君笑
飲君酒為君吟
張良未逐赤松去
橋邊黃石知我心

贈從弟南平太守之遙

少年不作意落魄無安居
願隨任公子欲釣吞舟魚
常時飲酒逐風景壯心遂與功名疎
蘭生谷底人不鋤雲在高山空卷舒
漢家天子馳駟

馬赤車蜀道迎相如
天門九重謁聖人
龍顏一解四海春
彤庭左右呼萬歲
拜賀明主收沈淪
翰林秉筆迴英眄
麟閣崢嶸誰可見
承恩初入銀臺門
著書獨在金鑿殿
龍駒雕礮白玉鞍
象牀綺食黃金盤
當時笑我微賤者
却來請謁為交歡
一朝謝病遊江海
疇昔相知幾人在
前門長揖後門關
今日結交明日改
愛君山嶽心不移
隨君雲霧迷所為
夢得池塘生春草
使我長價登樓詩
別後遙傳臨海作
可見羊何共和之

寄王屋山人孟大融

我昔東海上勞山餐紫霞親見安期公食棗大
如瓜中年謁漢主不愜還歸家朱顏謝春暉白
髮見生涯所期就金液飛步登雲車願隨夫子
天壇上閒與仙人掃落花

寄韋南陵冰余江上乘興訪之遇尋顏尚

書笑有此贈

南船正東風北船來自緩江上相逢借問君語
笑未了風吹斷聞君携妓訪情人應爲尚書不

顧身堂上三千珠履客甕中百斛金陵春恨我
阻此樂淹留楚江濱月色醉遠客山花開欲然
春風狂殺人一日劇三年乘興嫌太遲焚却子
猷船夢見五柳枝已堪挂馬鞭何日到彭澤長
歌陶令前

廬山謠寄盧侍御虛舟

我本楚狂人鳳歌笑孔丘手持綠玉杖朝別黃
鶴樓五嶽尋仙不辭遠一生好入名山遊廬山
秀出南斗傍屏風九疊雲錦張影落明湖青黛

光金闕前開二峰長銀河倒挂三石梁香爐瀑
布遙相望迴崖沓嶂凌蒼蒼翠影紅霞映朝日
鳥飛不到吳天長登高壯觀天地間大江茫茫
去不還黃雲萬里動風色白波九道流雪山好
爲廬山謠興因廬山發閒窺石鏡清我心謝公
行處蒼苔沒早服還丹無世情琴心三疊道初
成遙見仙人綵雲裏手把芙蓉朝玉京先期汗
漫九垓上願接盧敖遊太清

早秋單父南樓酬竇公衡

白露見日滅紅顏隨霜凋別君若俯仰春芳辭
秋條泰山嗟峨夏雲在疑是白波漲東海散爲
飛雨川上來遙帷却卷清浮埃知君獨坐青軒
下此時結念同懷者我閉南樓著道書幽簾清
寂若仙居曾無好事來相訪賴爾高文一起予
夢遊天姥吟留別東魯諸公

海客談瀛洲煙濤微茫信難求越人語天姥雲
霓明滅或可覩天姥連天向天橫勢拔五嶽掩
赤城天台四萬八千丈對此欲倒東南傾我欲

因之夢吳越一夜飛度鏡湖月湖月照我影送我至剡溪謝公宿處今尚在淥水蕩漾清猿啼脚着謝公屐身登青雲梯半壁見海日空中聞天鷄千巖萬轉路不定迷花倚石忽已暝熊咆龍吟殷巖泉慄深林兮驚層巔雲青青兮欲雨水澹澹兮生煙列缺霹靂丘巒崩摧洞天石扉訇然中開青冥浩蕩不見底日月照耀金銀臺霓爲衣兮風爲馬雲之君兮紛紛而來下虎鼓瑟兮鸞回車仙之人兮列如麻忽魂悸以魄動恍驚起而長嗟惟覺時之枕席失向來之煙霞世間行樂亦如此古來萬事東流水別君去兮何時還且放白鹿青巖間須行卽騎訪名山安能摧眉折腰事權貴使我不得開心顏

單父東樓秋夜送族弟沈之秦

爾從咸陽來問我何勞苦沐猴而冠不足言身騎土牛滯東魯沈弟欲行疑弟畱孤飛一雁秦雲秋坐來黃葉落四五北斗已挂西城樓絲桐感人絃亦絕蒲堂送君皆惜別卷簾見月清興

歷代詩選 卷三十一
來疑是山陰夜中雪明日斗酒別惆悵清路塵
遙望長安日不見長安人長安宮闕九天上此
地曾經爲近臣一朝復一朝髮白心不改屈原
憔悴滯江潭亭伯流離放遼海折翮翻飛隨轉
蓬聞弦虛墜下霜空聖朝久棄青雲士他日誰
憐張長公

送祝八之江東賦得浣紗石

西施越谿女明豔光雲海未入吳王宮殿時浣
紗古石今猶在桃李新開映古查菖蒲猶短出

平沙昔時紅粉照流水今日青苔覆落花君去
西秦適東越碧山清江幾超忽若到天涯思故
人浣紗石上窺明月

下途歸石門舊居

吳山高越水清握手無言傷別情將欲辭君挂
帆去離魂不散煙郊樹此心鬱悵誰能論有愧
叨承國士恩雲物共傾三月酒歲時同餞五侯
門羨君素書常滿案含丹照白霞色爛余嘗學
道窮冥筮夢中徃徃遊仙山何當脫屣謝時去

壺中別有日月天
俛仰人間易凋朽
鍾峰五雲在軒牖
惜別愁窺玉女窗
歸來笑把洪崖手
隱居寺隱居山陶公鍊液栖其間
靈神閉氣昔登攀
恬然但覺心緒閒
數人不知幾甲子
昨夜猶帶冰霜顏
我離雖則歲物改
如今了然識所在
別君莫道不盡歡
懸知樂客遙相待
石門流水徧桃花
我亦曾到秦人家
不知何處得雞豕
就中仍見繁桑麻
翛然遠與世事閒
裝鸞駕鶴又復遠
何必相從七貴遊
勞生徒聚萬金產
揖君去長相思雲遊雨散從此辭
欲知悵別心易苦
向暮春風楊柳絲

同族弟金城尉叔卿燭照山水壁畫歌

高堂粉壁圖蓬瀛
燭前一見滄洲清
洪波洶湧山崢嶸
皎若丹丘隔海望
赤城光中乍喜嵐氣滅
謂逢山陰晴後雪
迴谿碧流寂無喧
又如秦人月下窺花源
了然不覺清心魂
祇將疊嶂鳴秋猿
與君對此歡未歇
放歌行吟達明發
却顧海客揚雲帆
便欲因之向溟渤

觀博平王志安少府山水粉壁

粉壁爲空天丹青壯江海遊雲不知歸日見白
鷗在博平真人王志安沈吟至此願挂冠松谿
石磴帶秋色愁客思歸坐曉寒

對酒

蒲萄酒金叵羅吳姬十五細馬馱青黛畫眉紅
錦靴道字不正嬌唱歌玳瑁筵中懷裏醉芙蓉
帳底奈君何

代美人愁鏡

美人贈此盤龍之寶鏡燭我金縷之羅衣時將
紅袖拂明月爲惜普照之餘輝影中金鵲飛不
滅臺下青鸞思獨絕藁砧一別若箭弦去有日
來無年狂風吹却妾心斷玉筋并墮菱花前

三五七言

秋風清秋月明落葉聚還散寒鴉棲復驚相思
相見知何日此時此夜難爲情

自溧水道哭王炎

王公希代寶棄世一何早弔死不及哀殯宮已

歷代詩選 唐李白
秋草悲來欲脫劔，
挂向何枝好。哭向茅山雖未
摧，
一生淚盡丹陽道。

宮中行樂詞六首

小小生金屋，盈盈在紫微。
山花插寶髻，石竹繡羅衣。
每出深宮裏，常隨步輦歸。
只愁歌舞散，化作絲雲飛。

柳色黃金嫩，梨花白雪香。
玉樓巢翡翠，珠殿鎖鴛鴦。
選妓隨雕輦，徵歌出洞房。
宮中誰第一，飛燕在昭陽。

盧橘爲秦樹，蒲萄出漢宮。
煙花疑落日，絲管醉春風。
笛奏龍吟水，簫鳴鳳下空。
君王多樂事，何必向回中。

繡戶香風暖，紗窗曙色新。
宮花爭笑日，池草暗生春。
綠樹聞歌鳥，青樓見舞人。
昭陽桃李月，羅綺自相親。

寒雪梅中盡，春風柳上歸。
宮鶯嬌欲醉，簷燕語還飛。
遲日明歌席，新花豔舞衣。
晚來移綵仗，行樂泥光輝。

歷代詩選 唐李白
水綠南薰殿花紅北闕樓鶯歌聞太液鳳吹繞
瀛洲素女鳴珠珮天人弄綵毬今朝風日好宜
入未央遊

塞下曲二首

五月天山雪無花祇有寒笛中間折柳春色未
曾看曉戰隨金鼓宵眠抱玉鞍願將腰下劍直
爲斬樓蘭

塞虜乘秋下天兵出漢家將軍分虎竹戰士卧
龍沙邊月隨弓影胡霜拂劍花玉關殊未入少

婦莫長嗟

秋思

關氏黃葉落妾望自登臺月出碧雲斷單于秋
色來胡兵沙塞合漢使玉關回征客無歸日空
悲蕙草摧

侍從遊宿溫泉宮作

羽林十二將羅列應星文霜仗懸秋月霓旌卷
夜雲嚴更千戶肅清樂九天聞日出瞻佳氣葱
葱繞聖君

贈孟浩然

吾愛孟夫子風流天下聞
紅顏棄軒冕白首卧
松雲醉月頻中聖迷花不事君
高山安可仰徒
此揖清芬

贈薛校書

我有吳趨曲無人知此音
姑蘇成蔓草麋鹿空
悲吟未誇觀濤作空鬱
釣鼇心舉手謝東海虛
行歸故林

口號贈楊徵君鴻

陶令辭彭澤梁鴻入會稽
我尋高士傳君與古
人齊雲卧留丹壑天書降紫泥
不知楊伯起早
晚向關西

贈崔秋浦二首

崔令學陶令北窗常晝眠
抱琴時弄月取意任
無絃見客但傾酒為官不愛錢
東臯春事起種
黍早歸田
河陽花作縣秋浦玉為人
地逐名賢好風隨惠
化春水從天漢落山逼畫屏
新應念金門客投

沙弔楚臣 天寒武山 贈錢徵君少陽 人血 白玉一杯酒 綠楊三月時 春風餘幾日 兩鬢各成絲 秉燭惟須飲 投竿也未遲 如逢渭水獵 猶可帝王師 今非 寄淮南友人首

寄淮南友人首

紅顏悲舊國 青歲歇芳洲 不待金門詔 空持寶劍遊 海雲迷驛道 江月隱鄉樓 復作淮南客 因逢桂樹留

寄當塗趙少府炎

晚登高樓望 木落雙江清 寒山饒積翠 秀色連州城 目送楚雲盡 心悲胡雁聲 相思不可見 迴首故人情

寄王漢陽

南湖秋月白 玉宰夜相邀 錦帳郎官醉 羅衣舞女嬌 笛聲喧沔鄂 歌曲上雲霄 別後空愁我 相思一水遙

南陽送客

斗酒勿為薄寸心貴不忘坐惜故人去偏令遊
 子傷離顏怨芳草春思結垂楊揮手再三別臨
 岐空斷腸
 送張舍人之江東
 張翰江東去正值秋風時天清一雁遠海濶孤
 帆遲白日行欲暮滄波杳難期吳洲如見月千
 里幸相思
 送白利從金吾董將軍西征
 西羗延國討自起佐軍威劔決浮雲氣弓彎明

月輝馬行邊草綠旗卷曙霜飛抗手凜相顧寒
 風生鐵衣
 送殷淑
 白露洲前月天明送客迴青龍山後日早出海
 雲來流水無情去征帆逐吹開相看不忍別更
 進手中杯
 送友人
 青山橫北郭白水遶東城此地一為別孤蓬萬
 里征浮雲遊子意落日故人情揮手自茲去蕭

蕭斑馬鳴

青山送別

斗酒渭城邊
壚頭醉不眠
梨花千樹雪
楊葉萬條煙
惜別傾壺醕
臨分贈馬鞭
看君頰上去
新月到應圓
無計去孤地
幾知開林春
不忍限天
白雲送友人入蜀
見說蠶叢路
崎嶇不易行
山從人面起
雲傍馬頭生
芳樹籠秦棧
春流遶蜀城
升沈應已定
不必訪君平

送麴十少府

試發清秋興
因爲吳會吟
碧雲歛海色
流水折江心
我有延陵劍
君無陸賈金
艱難此爲別
惆悵一何深

江夏送張丞

欲別心不忍
臨行情更親
酒傾無限月
客醉幾重春
藉草依流水
攀花贈遠人
送君從此去
迴首泣迷津

廣陵贈別

玉瓶沽美酒數里送君還繫馬垂楊下銜杯大道間
天邊看淥水海上見青山興罷各分袂何須醉別顏

別儲邕之剡中

借問剡中道東南指越鄉舟從廣陵去水入會稽
長竹色谿下綠荷花鏡裏香辭君向天姥拂石卧秋霜

留別龔處士

龔子棲閒地都無人世喧柳深陶令宅竹暗辟

疆園我去黃牛峽遙愁白帝猿贈君卷菴草心斷竟何言

渡荆門送別

渡遠荆門外來從楚國遊山隨平野盡江入大荒流
月下飛天鏡雲生結海樓仍憐故鄉水萬里送行舟

夜別張五

吾多張公子別酌酣高堂聽歌舞銀燭把酒輕羅裳
橫笛弄秋水琵琶聲陌桑龍泉解錦帶為

爾傾千觴

見京兆韋參軍量移東陽

聞說金華渡東連五百灘全勝若耶好莫道此

行難猿嘯千谿合松風五月寒他年一携手搖

艇入新安

秋夜與劉碭山泛燕喜亭池

明宰試舟楫張燈宴華池文招梁苑客歌動郢

中兒月色望不盡空天交相宜令人欲泛海只

待長風吹

賀其流夜郎至江夏陪長史叔及薛明府宴興

德寺南閣雲巖高軒

緝殿橫江上青山落鏡中岍迴沙不盡日映水

成空天樂流香閣蓮舟颺晚風恭陪竹林宴留

醉與陶公

登新平樓

去國登茲樓懷歸傷暮秋天長落日遠水淨寒

波流秦雲起嶺樹胡雁飛沙洲蒼蒼幾萬里目

極令人愁

與夏十二登岳陽樓

樓觀岳陽盡川向洞庭開
雁引愁心去山銜好月來
雲間連下榻天上接行杯
醉後涼風起吹人舞袖迴

與賈至舍人于龍興寺剪落梧桐枝望澹
剪落青梧枝澹湖坐可窺
雨洗秋山淨林光澹碧滋
水閑明鏡轉雲繞畫屏移
千古風流事名賢其此時

秋登宣城謝朓北樓

江城如畫裏山晚望晴空
兩水夾明鏡雙橋落彩虹
人煙寒橘柚秋色老梧桐
誰念北樓上臨風懷謝公

過崔八丈水亭

高閣橫秀氣清幽併在君
簷飛宛谿水窗落敬亭雲
猿嘯風中斷漁歌月裏聞
閒隨白鷗去沙上自為羣

太原早秋

歲落衆芳歇時當大火流霜威出塞早雲色渡
 河秋夢遶邊城月心飛故國樓思歸若汾水無
 日不悠悠

高閣謁老君廟

先君懷聖德靈廟肅神心草合人蹤斷塵濃鳥
 跡深流沙丹竈滅關路紫煙沈獨傷千載後空

餘松栢林

謝公亭

謝亭離別處風景每生愁客散青天月山空碧

水流池花春映日窗竹夜鳴秋今古一相接長
 歌懷舊遊

夜泊牛渚懷古

牛渚西江夜青天無片雲登舟望秋月空憶謝
 將軍余亦能高詠斯人不可聞明朝挂帆席楓
 葉落紛紛

尋雍尊師隱居

羣峭碧摩天逍遙不記年撥雲尋古道倚樹聽
 流泉花煖青牛卧松高白鶴眠語來江色暮獨

自下寒煙

訪戴天山道士不遇

犬吠水聲中。桃花帶露濃。樹深時見鹿。谿午不聞鐘。野竹分青靄。飛泉挂碧峰。無人知所去。愁倚兩三松。

聽蜀僧濬彈琴

蜀僧抱綠綺。西下峨眉峰。為我一揮手。如聽萬壑松。客心洗流水。餘響入霜鐘。不覺碧山暮。秋雲暗幾重。

見野草中有名白頭翁者

醉入田家去。行歌荒野中。如何青草裏。亦有白頭翁。折取對明鏡。宛將衰髮同。微芳似相諷。留恨向東風。

觀獵

大守耀清威。乘閒弄晚暉。江沙橫獵騎。山火遶行圍。箭逐雲鴻落。鷹隨月兔飛。不知白日暮。歡賞夜方歸。

宣城哭蔣徵君華

敬亭埋玉樹知是蔣徵君安得相如草空餘封
禪文池臺空有月詞賦舊凌雲獨挂延陵劍千
秋在古墳

送賀監歸四明應制

久辭榮祿遂初衣曾向長生說息機真訣自從
茅氏得恩波應阻洞庭歸瑤臺含霧星辰滿仙
嶠浮空島嶼微借問欲棲珠樹鶴何年却向帝
城飛

寄崔侍御

宛谿霜夜聽猿愁去國長爲不繫舟獨憐一雁
飛南海却羨雙谿向北流高人屢解陳蕃榻過
客難登謝朓樓此處別離同落葉朝朝分散敬
亭秋

別中都明府兄

吾兄詩酒繼陶君試宰中都天下聞東樓喜奉
連枝會南陌愁爲落葉分城隅綠水明秋日海
上青山隔暮雲取醉不辭留夜月雁行中斷惜
離羣

登鳳凰臺

鳳凰臺上鳳凰遊。鳳去臺空江自流。吳宮花草埋幽徑。晉代衣冠成古丘。三山半落青天外。二水中分白鷺洲。總爲浮雲能蔽日。長安不見使人愁。

題東谿公幽居

杜陵賢人清且廉。東谿卜築歲將淹。宅近青山同謝朓。門垂碧柳似陶潛。好鳥迎春歌後院。飛花送酒舞前筵。客到但知留一醉。盤中祇有水晶鹽。

水晶鹽

中丞宋公以吳兵三千赴河南。軍次潯陽。脫余之囚。參謀幕府。因贈之。

獨坐清天下。專征出海隅。九江皆渡虎。三郡盡還珠。組練明秋浦。樓船入郢都。風高初選將。月滿欲平胡。殺氣橫千里。軍聲動九區。白猿慙劔術。黃石借兵符。戎虜行當剪。鯨鯢立可誅。自憐非劇孟。何以佐良圖。

春日歸山寄孟六浩然

朱紱遺塵境青山謁梵筵金繩開覺路寶筏渡
迷川嶺樹攢飛拱巖花覆谷泉塔形標海月樓
勢出江煙香氣三天下鐘聲萬壑連荷秋珠已
滿松密葢初圓鳥聚疑聞法龍叅若護禪愧非
流水韻叨入伯牙絃

送友人尋越中山水

聞道稽山去偏宜謝客才千巖泉灑落萬壑樹
縈廻東海橫秦望西陵繞越臺湖清霜鏡曉濤
白雪山來八月枚乘筆三吳張翰杯此中多逸

興早晚向天台

送紀秀才遊越

海水不滿眼觀濤難稱心卽知蓬萊石却是巨
鼇簪送爾遊華頂令予發舄吟仙人居射的道
士住山陰禹穴尋谿入雲門隔嶺深綠蘿秋月
夜相憶在鳴琴

送儲邕之武昌

黃鶴高樓月長江萬里情春風三十度空憶武
昌城送爾難爲別銜杯惜未傾湖連張樂地山

歷代詩選 卷之四
逐泛舟行諾謂楚人重詩傳謝朓清滄浪吾有
曲寄人棹歌聲

秋日登揚州西靈塔

寶塔凌蒼蒼登攀覽四荒頂高元氣合標出海
雲長萬象分空界三天接畫梁水搖金刹影日
動火珠光鳥拂瓊簾度霞連繡棋張日隨征路
斷心逐去帆揚露浴梧楸白霜催橘柚黃玉毫
如可見于此照迷方

秋日與張少府楚城韋公藏書高齋作

日下空庭暮城荒古跡餘地形連海盡天影落
江虛舊賞人雖隔新知樂未踈彩雲思作賦丹
壁間藏書查擁隨流葉萍開出水魚夕來秋興
滿回首意何如

過四皓墓

我行至商洛幽獨訪神仙園綺復安在雲羅尚
宛然荒涼千古跡蕪沒四墳連伊昔鍊金鼎何
年閉玉泉隴寒惟有月松古漸無煙木魅風號
去山精雨嘯旋紫芝高詠罷青史舊名傳今日

併如此哀哉信可憐

月夜金陵懷古

蒼蒼金陵月空懸帝王州天文列宿在霸業大江流淥水絕馳道青松摧古丘臺傾鳩鵲觀宮沒鳳凰樓別殿悲清暑芳園罷樂遊一聞歌玉樹蕭瑟後庭秋

王昭君

昭君拂玉鞍上馬啼紅頰今日漢宮人明朝胡地妾

人相逢行

相逢紅塵內高揖黃金鞭萬戶垂楊裏君家阿那邊

玉階怨

玉階生白露夜久侵羅襪却下水晶簾玲瓏望

秋月

襄陽曲四首

襄陽行樂處歌舞白銅鞮江城回淥水花月使人迷

山公醉酒時酩酊襄陽下頭上白接羅倒着還

騎馬行樂處烟飛白臉雖玉玃回秋木蒼且對

峴山臨漢江水綠沙如雪上有墮淚碑青苔久

磨滅

且醉習家池莫看墮淚碑山公欲上馬笑殺襄

陽兒

洛陽陌

白玉誰家郎迴車度天津看花東陌上驚動洛

陽人

靜夜思

牀前看月光疑是地上霜舉頭望山月低頭思

故鄉

淶水曲

淶水明秋日南湖采白蘋荷花嬌欲語愁殺蕩

舟人

秋浦歌六首

秋浦錦駝鳥人間天上稀山鷄羞淶水不敢照

毛衣

兩鬢入秋浦一朝颯已衰猿聲催白髮長短盡

成絲

秋浦多白猿超騰若飛雪牽引條上兒飲弄水

中月

秋浦千重嶺水車嶺最奇天傾欲墮石水拂寄

生枝

秋浦田舍翁采魚水中宿妻子張白鷗結且映

深竹

桃波一步地了了語聲聞鬧與山僧別低頭禮

白雲

越女詞三首

吳兒多白皙好爲蕩舟劇賣眼擲春心折花調

行客

耶谿采蓮女見客棹歌迴笑入荷花去佯羞不

出來

東陽素足女會稽素舸郎相看月未墮白地斷

肝腸

巴女詞

巴水急如箭巴船去若飛十月三千里郎行幾
歲歸

對雪獻從兄虞城宰

昨夜梁園雪弟寒兄不知庭前看玉樹腸斷憶
連枝

答友人贈烏紗帽

願得烏紗帽全勝白接羅山人不照鏡穉子道
相宜

別東林寺僧

東林送客處月出白猿啼笑別廬山遠何煩過
虎谿

送陸判官往琵琶峽

水國秋風夜殊非遠別時長安如夢裏何日是
歸期

陪侍郎叔遊洞庭

剗却君山好平鋪湘水流巴陵無限酒醉殺洞
庭秋

望木瓜山

歷代詩選 唐李白
廿三
早起見日出暮看棲鳥還客心自酸楚况對木
瓜山

魯中都東樓醉起作

昨日東城飲還應倒接羅阿誰扶上馬不省下
樓時

清谿半夜聞笛

羌笛梅花引吳谿隴水清寒山秋浦月腸斷玉
關情

夏日山中

嬾搖白羽扇裸體青林中脫巾挂石壁露頂灑
松風

獨坐敬亭山

衆鳥高飛盡孤雲獨去閒相看兩不厭只有敬
亭山

勞勞亭

天下傷心處勞勞送客亭春風知別苦不遣柳
條青

田園言懷

賈誼三年謫班超萬里侯何如牽白犢飲水對

清流

自遣

對酒不覺暝落花盈我衣醉起步谿月鳥還人亦稀

憶東山

不向東山久薔薇幾度花白雲他自散明月落誰家

初出金門尋王侍御不遇詠壁上鸚鵡

落羽辭金殿孤鳴託繡衣能言終見棄還向隴山飛

觀放白鷹

八月邊風高胡鷹白錦毛孤飛一片雪百里見

秋毫

白鷺鷥

白鷺下秋水孤飛如墜霜心閒且未去獨立沙

洲傍

怨情

美人捲珠簾深坐顰蛾眉但見淚痕濕不知心
恨誰

清平調詞三首

雲想衣裳花想容春風拂檻露華濃若非羣玉
山頭見會向瑤臺月下逢

一枝紅豔露凝香雲雨巫山枉斷腸借問漢宮
誰得似可憐飛燕倚新妝

名花傾國兩相歡長得君王帶笑看解釋春風
無限恨沈香亭北倚闌干

少年行

五陵年少金市東銀鞍白馬度春風落花踏盡
遊何處笑入吳姬酒肆中

軍行

騾馬新跨白玉鞍戰罷沙場月色寒城頭鐵鼓
聲猶震匣裏金刀血未乾

長門怨

桂殿長愁不記春黃金四屋起秋塵夜懸明鏡
青天上獨照長門宮裏人

峨眉山月歌

峨眉山月半輪秋影入平羌
江水流夜發清谿向三峽
思君不見下渝州

客中行

蘭陵美酒鬱金香玉椀盛來琥珀光
但使主人能醉客不知何處是他鄉

巴陵贈賈舍人

賈生西望憶京華湘浦南遷莫怨嗟
聖主恩深漢文帝憐君不遣到長沙

聞王昌齡左遷龍標尉遙有此寄

楊州花落子規啼聞道龍標過五谿
我寄愁心與明月隨君直到夜郎西

山中問答

問余何事棲碧山笑而不答心自閒
桃花隨水窅然去別有天地非人間

黃鶴樓送孟浩然之廣陵

故人西辭黃鶴樓煙花三月下揚州
孤帆遠影碧空盡惟見長江天際流

東魯門泛舟

日落沙明天倒開，波搖石動水縈迴。
輕舟泛月尋谿轉，疑是山陰雪後來。

陪族叔刑部侍郎擘及中書賈舍人至遊

洞庭三首

南湖秋水夜無煙，耐可乘流直上天。
且就洞庭賒月色，將船買酒白雲邊。

洞庭湖西秋月輝，瀟湘江北早鴻飛。
醉客滿船歌白紵，不知霜露入秋衣。

帝子瀟湘去不還，空餘秋草洞庭間。
淡掃明湖開玉鏡，丹青畫出是君山。

望廬山瀑布水

日照香爐生紫煙，遙看瀑布挂長川。
飛流直下三千尺，疑是銀河落九天。

登廬山五老峰

廬山東南五老峰，青天削出金芙蓉。
九江秀色可攬結，吾將此地巢雲松。

望天門山

天門中斷楚江開，碧水東流直北迴。
兩岫青山相對出，孤帆一片日邊來。

早發白帝城

千里江陵一日還，兩岸猿聲
啼不住，輕舟已過萬重山。

蘇臺覽古

舊苑荒臺楊柳新，菱歌清唱不勝春。
只今惟有西江月，曾照吳王宮裏人。

越中覽古

越中勾踐破吳歸，義士還家盡錦衣。
宮女如花滿春殿，只今惟有鷓鴣飛。

與史郎中欽聽黃鶴樓上吹笛

一為遷客去長沙，西望長安不見家。
黃鶴樓前吹玉笛，江城五月落梅花。

春夜洛城聞笛

誰家玉笛暗飛聲，散入春風滿洛城。
此夜曲中聞折柳，何人不起故鄉情。

宣城見杜鵑花

蜀國會聞子規鳥宣城還見杜鵑花一叫一迴
腸一斷三春三月憶三巴

請客陌上贈美人
美人春風散香粉
曲中

駿馬驕行踏落花
垂鞭直拂五雲車
美人一笑
寒珠箔遙指紅樓是妾家

口號吳王美人半醉
吳王不與來黃浦

風動荷花水殿香
姑蘇臺上宴吳王
西施醉舞
嬌無力笑倚東窗白玉牀

南流夜郎寄內
上

夜郎天外怨離居
明月樓中音信疎
北雁春歸
看欲盡南來不得豫章書

吳晁卿衡

日本晁卿辭帝都
征帆一片繞蓬壺
明月不歸
沈碧海白雲愁色滿蒼梧

石倉十二代詩選
唐卷之三十一下

唐李白

曹卷之三十一

口齒蒼味

不勝筆情

此即其詩中音韻較此韻表

石倉十二代詩選

唐卷之三十二

盛唐

十三

明候官曹學佺閱

杜甫

字子美
審言孫

前出塞七首

戚戚去故里悠悠赴交河
公家有程期亡命嬰禍羅
君已富土境開邊一何多
棄絕父母恩吞聲行負戈

出門日已遠不受徒旅欺
骨肉恩豈斷男兒死無時
走馬脫轡頭手中挑青絲
捷下萬仞岡俯

身試搴旗
磨刀鳴咽水
水赤刃傷手
欲輕腸斷聲
心緒亂
已从丈夫誓
許國憤惋復
何有功名圖
麒麟戰
骨當速朽
送徒既有長
遠戍亦有身
生死向前去
不勞吏
怒嗔路逢相
識人附書與
六親哀哉兩
决絕不
復問苦辛

迢迢萬餘里
領我赴三軍
軍中異苦樂
主將寧
盡聞隔河見
胡騎倏忽數
百羣我始爲
奴僕幾

時樹功勳

驅馬天雨雪
軍行入高山
逕危抱寒石
指落層
冰間已去漢
月遠何時築
城還浮雲暮
南征可
望不可攀
單于寇我壘
百里風塵昏
雄劔四五動
彼軍爲
我奔虜其名
王歸繫頸受
轅門潛身備
行列一
勝何足論

後出塞三首

男兒生世間
及壯當封侯
戰伐有功業
焉能守

歷代詩選 卷三十一
舊丘召募赴薊門軍動不可留千金買馬鞍百
金裝刀頭閭里送我行親戚擁道周斑白居易上
列酒酣進庶羞少年別有贈含笑看吳鉤

朝進東門營暮上河陽橋落日照大旗馬鳴風
蕭蕭平沙列萬幕部伍各見招中天懸明月令
嚴夜寂寥悲笳數聲動壯士慘不驕借問大將
誰恐是霍嫖姚

古人重守邊今人重高勳豈知英雄主出師亘
長雲六合已一家四夷且孤軍遂使貔虎士奮
身勇所聞拔劍擊大荒日收胡馬羣誓開玄冥
北持以奉吾君

潼關吏

士卒何草草築城潼關道大城鐵不如小城萬
丈餘借問潼關吏修關還備胡要我下馬行爲
我指山隅連雲列戰格飛鳥不能踰胡來但自
守豈復憂西都丈人視要處窄狹容單車艱難
奮長戟千古用一夫哀哉桃林戰百萬化爲魚
請囑防關將慎勿學哥舒

新婚別

兔絲附蓬麻引蔓故不長嫁女與征夫不如棄
 路傍結髮為君妻席不煖君牀暮婚晨告别無
 乃太匆忙君行雖不遠守邊赴河陽妾身未分
 明何以拜姑嫜父母養我時日夜令我藏生女
 有所歸雞犬亦得將君今往死地沈痛迫中腸
 誓欲隨君去形勢反蒼黃勿為新婚念努力事
 戎行婦人在軍中兵氣恐不揚自嗟貧家女久
 致羅襦裳羅襦不復施對君洗紅妝仰視百鳥

飛大小必雙翔人幸多錯迕與君永相望

留花門

按黃鶴云唐志甘州有花門山花門指回紇也時用朔方吐蕃回紇

諸兵以討賊既收長安留其兵於沙苑言其為農桑害也

北門天驕子飽肉氣勇決高秋馬肥健挾矢射

漢月自古以為患詩人厭薄伐修德使其來羈

縻固不絕胡為傾國至出入暗金闕中原有驅

除隱忍用此物公主歌黃鵠君王指白日連雲

屯左輔百里見積雪長戟鳥休飛哀笳曉幽咽

田家最恐懼麥倒桑枝折沙苑臨清渭泉香草

豐潔渡河不用船千騎常撒烈胡塵踰太行雜
種抵京室花門既須留原野轉蕭瑟

夏夜歎

公主嫔黃鸞王許白日數雲

永日不可暮炎蒸毒我腸安得萬里風飄颻吹
我裳昊天出華月茂林延踈光仲夏苦夜短開
軒納微涼虛明見織毫羽蟲亦飛揚物情無巨
細自適固其常念彼荷戈身窮年守邊疆何由
一洗濯執熱互相望竟夕擊刁斗喧聲連萬方
青紫雖被體不如早還鄉北城悲笳發鶴鶴號

且翔况復煩促倦激烈思時康

戲贈鄭廣文虔兼呈蘇司業源明

廣文到官舍繫馬堂階下醉卽騎馬歸頗遭官
長罵才名三十年坐客寒無氈賴有蘇司業時
時與酒錢

暫如臨邑至峭山湖亭奉懷李員外率爾

成典

野亭逼湖水歇馬高林間颺吼風奔浪魚跳日
映山暫遊阻詞伯却望懷青關靄靄生雲霧惟

應促駕還

宿青谿驛奉懷張員外十五兄之緒

漾舟千山內日入泊荒渚我生本飄飄今復在
何許石根青楓林猿鳥聚儔侶月明遊子靜
虎不得語中夜懷友朋乾坤此深阻浩蕩前後
間佳期付荆楚

夢李白二首

死別已吞聲生別常惻惻江南瘴癘地逐客無
消息故人入我夢明我長相憶恐非平生魂路

遠不可測魂來楓林青魂返關塞黑君今在羅
網何以有羽翼落月滿屋梁猶疑照顏色

浮雲終日行遊子久不至三夜頻夢君情親見
君意告歸常局促苦道來不易江湖多風波舟
楫恐失墜冠蓋滿京華斯人獨顛顛孰云網恢
恢將老身反累千秋萬歲名寂寞身後事

文章送高司直尋封閬州

丹雀銜書來暮棲何鄉樹驂騑事天子辛苦在
道路司直非冗官荒山甚無趣借問汎舟人胡

歷代詩選 唐杜甫
爲入雲霧萬里長江邊邂逅一相遇長卿消渴
再公幹沈綿屢清談慰老夫開卷得佳句時見
文章士欣然淡情素伏枕聞別離疇能忍漂寓
良會苦短促谿行水奔注熊羆咆空林游子慎
馳騫爲我問故人勞心練征戍

遊龍門奉先寺

已從招提遊更宿招提境陰壑生虛籟月林散
清影天闕象緯逼雲臥衣裳冷欲覺聞晨鐘今
人發深省

望嶽

代山宗夫如何齊魯青未了造化鍾神秀陰陽割
昏曉盪胸生層雲決眇入歸鳥會當凌絕頂一
覽衆山小

玉華宮

谿回松風長蒼鼠竄古瓦不知何王殿遺構絕
壁下陰房鬼火青壞道哀湍瀉萬籟真笙竽秋
色正瀟灑美人爲黃土况乃粉黛假當時侍金
輿故物獨石馬憂來藉草坐浩歌淚盈把冉冉

征途間誰是長年者

泛谿

落景下高堂進舟泛迴谿誰謂築居小未盡喬
木西遠郊信荒僻秋色有餘淒練練峰頂雪纖
纖雲表霓童戲左右岸罟弋畢提攜翻倒荷菱
亂指揮路徑迷得魚已割鱗采藕不洗泥人情
逐鮮美物賤事已睽吾村靄冥姿異舍雞亦棲
蕭條欲何適出處庶可齊衣上見新月霜中登
故畦濁醪自初熟東城多鼓鼙

南池

崢嶸巴閬間所向盡山谷安知有蒼池萬頃浸
坤軸呀然閬城南枕帶巴江腹菱荷入異縣秔
稻共比屋皇天不無意美利戒止足高田失西
成此物頗豐熟清源多衆魚遠岸富喬木獨嘆
楓香林春時好顏色南有漢王祠終朝走巫祝
歌舞散靈衣荒哉舊風俗高堂亦明王魂魄猶
正直不應空陂上縹緲親酒食滫祀自古昔非
惟一川瀆干戈浩茫茫地僻傷極目平生江海

與遭亂身局促駐馬問漁舟躊躇慰羈束

夏日李公見訪

遠林暑氣薄公子過我遊貧居類村塢僻近城南樓傍舍頗淳朴所願亦易求隔屋喚西家借問有酒不墻頭過濁醪展席俯長流清風左右至客意已驚秋巢多衆鳥闔葉密鳴蟬稠苦遭此物聒孰謂吾廬幽水花晚色靜庶足克淹留豫恐樽中盡更起爲君謀

羗村三首

崢嶸赤雲西日脚下平地柴門鳥雀噪歸客千里至妻孥恠我在驚定還拭淚世亂遭飄蕩生還偶然遂鄰人滿墻頭感歎亦戲歎夜闌更秉燭相對如夢寐

晚歲迫偷生還家少歡趣嬌兒不離膝畏我復却去憶昔好追涼故繞池邊樹蕭蕭北風勁撫事煎百慮賴知禾黍收已覺糟牀注如今足斟酌且用慰遲暮
羗雞正亂叫客至雞闔爭驅雞上樹木始聞扣

柴荆父老四五人。問我久遠行。手中各有攜。傾
榼濁復清。苦辭酒味薄。黍地無人耕。兵革旣未
息。兒童盡東征。請爲父老歌。艱難媿深情。歌罷
仰天歎。四座淚縱橫。

赤谷

天寒霜雪繁。遊子有所之。豈但歲月暮。重來未
有期。晨發赤谷亭。險艱方自茲。亂石無改轍。我
車已載脂。山深苦多風。落日童稚飢。悄然村墟
迥。煙火何由追。貧病轉零落。故鄉不可思。

鐵堂峽

山風吹遊子。縹緲乘險絕。硤形藏堂隍。壁色立
積鐵。徑摩穹蒼蟠。石與厚地裂。修纖無限竹。嵌
空太始雪。威遲哀壑底。徒旅慘不悅。水寒食冰
橫。我馬骨正折。生涯抵弧矢。盜賊殊未滅。

寒峽

行邁日悄悄。山谷勢多端。雲門轉絕岬。積阻霾
天寒。寒硤不可度。我實衣裳單。況當仲冬交。沂
沿增波瀾。野人尋煙語。行子傍水餐。此生免荷

及未敢辭路難

大寒龍門鎮

細泉兼輕冰沮洳棧道濕不辭辛苦行迫此短
景急石門雲雪隘古鎮峰巒集旌竿暮慘澹風
水白刃澀胡馬屯成臯防虞此何及嗟爾遠戍
人山寒夜中泣

白沙渡

畏途隨長江渡口下絕岬差池上舟楫杳窅入
雲漢天寒荒野外日暮中流半我馬向北嘶山
猿飲相喚水清石礧礧沙白灘漫漫迥然洗秋
辛多病一踈散高壁抵嶽峯洪濤越凌亂臨風
獨回首攬轡復三歎

水會渡

山行有常程中夜尚未安微月沒已久崖傾路
何難大江動我前洶若溟渤寬篙師暗理楫歌
笑輕波瀾霜濃木石滑風急手足寒入舟已千
憂陟巘仍萬盤回眺積水外始知衆星乾遠遊
令人瘦衰疾慙加餐

五盤雖云險山色佳有餘仰凌棧道細俯映江
木踈地僻無網罟水清反多魚好鳥不妄飛野
人半巢居喜見淳朴俗坦然心神舒東郊尚格
鬪巨猾何時除故鄉有弟妹流落隨丘墟成都
萬事好豈若歸吾廬

鹿頭山

鹿頭何亭亭是日慰飢渴連山西南斷俯見千
里豁遊子出京華劔門不可越及茲險阻盡始

喜原野濶殊方昔三分霸氣曾問發天下今一
家雲端失雙闕悠然想揚馬繼起名肆兀有文
令人傷何處理爾骨紆餘脂膏地慘澹豪俠窟
杖鉞非老臣宣風豈專達冀公柱石姿論道邦
國活斯人亦何幸公鎮踰歲月

早發射洪縣南途中作

將老憂貧窶筋力豈能及征途乃侵星得使諸
病入寒日出霧遲清江轉山急僕夫行不進駑
馬若維繫汀洲稍踈散風景開快悒空慰所尚

懷終非曩遊集衰顏偶一破勝事難屢挹茫然
阮籍途更洒楊朱泣

通泉驛南去通泉縣十五里山水作

谿行衣自濕亭午氣始散冬温蚊蚋集人遠鳧
鴨亂登頓生層陰欵傾出高岬驛樓衰柳側縣
郭輕煙畔一川何綺麗盡日窮壯觀山色遠寂
寞江光夕滋漫傷時媿孔父去國同王粲我生
苦飄零所歷有嗟嘆

宿鑿石浦

早宿賓從勞仲春江山麗飄風過無時舟楫敢
不繫廻塘淡暮色日沒衆星擘缺月殊未生青
燈死分翳窮途多俊異亂世少恩惠鄙分亦放
蕩草草頻卒歲斯文憂患餘聖哲垂彖繫

遣興

蓬生非無根漂蕩隨高風天寒落萬里不復歸
本藜客子念故宅三年門巷空悵望但烽火戎
車滿關東生涯能幾何常在羈旅中

破船

歷代詩選 唐杜甫
平生江海心宿昔具扁舟豈惟清谿上日傍柴
門遊愴惶避亂兵緬邈懷舊丘鄰人亦已非野
竹獨修修船舷不重扣埋沒已經秋仰看西飛
翼下媿東逝流故者或可掘新者亦易求所悲
數奔竄白屋難久留

悲陳陶

孟冬十郡良家子血作陳陶澤中水野曠天清
無戰聲四萬義軍同日死羣胡歸來血洗箭仍
唱胡歌飲都市都人回面向北啼日夜更望官

軍至

悲青坂

我軍青坂在東門天寒飲馬太白窟黃頭奚兒
日向西數騎彎弓敢馳突山雪河冰野蕭瑟青
是烽煙白人骨焉得附書與我軍忍待明年莫
倉卒

哀王孫

長安城頭頭白烏夜飛延秋門上呼又向人家
啄大屋屋底達官走避胡金鞭斷折九馬死骨

歷代詩選 卷三十二
肉不待同馳驅腰下寶玦青珊瑚可憐王孫泣
路隅問之不肯道姓名但道困苦乞爲奴已經
百日竄荆棘身上無有完肌膚高帝子孫盡隆
準龍種自與常人殊豺狼在邑龍在野王孫善
保千金軀不敢長語臨交衢且爲王孫立斯須
昨夜東風吹血腥東來囊駝滿舊都朔方徒兒
好身手昔何勇銳今何愚竊聞太子已傳位聖
德北服南單于花門務面請雪恥慎勿出口他
人徂哀哉王孫慎勿踈五陵佳氣無時無

東去哀江頭

少年野老吞聲哭春日潛行曲江曲江頭宮殿
鎖千門細柳新蒲爲誰綠憶昔霓旌下南苑苑
中萬物生顏色昭陽殿裏第一人同輦隨君侍
君側輦前才人帶弓箭白馬嚼齧黃金勒翻身
向天仰射雲一箭正墮雙飛翼明眸皓齒今何
在血污遊魂歸不得清渭東流劔閣深去住彼
此無消息人生有情淚沾臆江水江花豈終極
黃昏胡騎塵滿城欲往城南忘南北

洗兵馬

收京後作

中興諸將收山東捷書夜報清書同河廣傳聞
 一葦過胡兒命在破竹中祇殘鄴城不日得獨
 任朔方無限功京師皆騎汗血馬回紇餒肉蒲
 萄宮已喜皇威清海岱常思仙仗過崆峒三年
 笛裏關山月萬國兵前草木風成王功大心轉
 悲郭相謀深古來少司徒清鑒懸明鏡尚書氣
 與秋天杳二三豪俊為時出整頓乾坤濟時了
 東走無復憶鱸魚南飛覺有安枝鳥青春復隨

冠冕入紫禁正耐煙花繞鶴駕通宵鳳輦備雞
 鳴問寢龍樓曉攀龍附鳳勢莫當天下盡化為
 侯王汝等豈知蒙帝力時來不得誇身強關中
 既留蕭丞相幕下復用張子房張公一生汀海
 客身長九尺鬚眉蒼徵起適遇風雲會扶顛始
 知籌策良青袍白馬更何有後漢今周喜再昌
 寸地尺天皆入貢奇祥異瑞爭來送不知何國
 致白環復道諸山得銀甕隱士休歌紫芝曲詞
 人解撰河清頌田家望望惜雨乾布穀處處催

春種淇土健兒歸莫懶城南思婦愁多夢安得
壯士挽天河淨洗甲兵長不用

今夕行人

今夕何夕歲云徂更長燭明不可孤咸陽客舍
一事無相與博塞爲歡娛憑陵大叫呼五白袒
跣不肯成臬盧英雄有時亦如此邂逅豈卽非
良圖君莫笑劉毅從來布衣願家無儋石輸百

萬

兵車行

車麟麟馬蕭蕭行人弓箭各在腰爺孃妻子走
相送塵埃不見見咸陽橋牽衣頓足攔道哭哭聲
直上干雲霄道傍過者問行人行人但云點行
頻或從十五北防河便至四十西營田去時里
正與裏頭歸來頭白還戍邊邊庭流血成海水
武皇開邊意未已君不見漢家山東二百州千
村萬落生荆杞縱有健婦把鋤犁禾生隴畝無
東西况復秦兵耐苦戰被驅不異犬與雞長者
雖有問役夫敢伸恨且如今年冬未休關西卒

縣官急索租租稅從何出信知生男惡反是生
女好生女猶得嫁比鄰生男埋沒隨百草君不
見青海頭古來白骨無人收新鬼煩冤舊鬼哭
天陰雨濕聲啾啾

五典古柏行

孔明廟前有老柏柯如青銅根如石霜皮溜雨
四十圍黛色參天二千尺君臣已與時際會樹
木猶爲人愛惜雲來氣接巫峽長月出寒通雪
山白憶昨路繞錦亭東先主武侯同閔宮崔嵬

枝幹郊原古窈窕丹青戶牖空落落盤踞雖得
地冥冥孤高多烈風扶持自是神明力正直元
因造化功大厦如傾要梁棟萬牛回首丘山重
不露文章世已驚未辭翦伐誰能送苦心豈免
容螻蟻香葉終經宿鸞鳳志士幽人莫怨嗟古
來材大難爲用

虎牙行

秋風歛吸吹南國天地慘慘無顏色洞庭揚波
江漢迴虎牙銅柱皆傾側巫峽陰泔朔漠氣峰

歷代詩選 唐詩
巒窈窕谿谷黑杜鵑不來猿狖寒山鬼幽憂雪
霜逼楚老長嗟憶炎瘴三尺角弓兩斛力壁立
石城橫塞起金錯旌竿蒲雲直漁陽突騎獵青
丘犬戎鎖甲聞丹極八荒十年防盜賊征戍誅
求寡妻哭遠客中宵淚霑臆

莫相疑行

男兒生無所成頭皓白牙齒欲落真可惜憶獻
三賦蓬萊宮自恠一日聲輝赫集賢學士如堵
墻觀我落筆中書堂在時文彩動人主此日飢
寒趨路傍晚將末契託年少當面論心背面笑
寄謝悠悠世上見不爭好惡莫相疑

閬山歌

閬州城東靈山白閬中城北玉臺碧松浮欲盡
不盡雲江動將崩未崩石那知根無鬼神會已
覺勢與嵩華敵中原格鬪且未歸應結茅齋看
青壁

越王樓歌

綿州州府何磊落顯慶年中越王作孤城西北

起高樓碧瓦朱甍照城郭樓下長江百丈清山
頭落日半輪明君王舊跡今人賞轉見千秋萬
古情

題李尊師松樹障子歌

老夫清晨梳白頭玄都道士來相訪握髮呼兒
延入戶手持新畫青松障障子松林靜杳冥憑
軒忽若無丹青陰崖却承霜雪幹偃蓋反走蚪
龍形老夫平生好奇古對此興與精靈聚已知
仙客意相親更覺良工心獨苦松下丈人巾屨
同偶坐似是商山翁悵望聊歌紫芝曲時危慘
淡來悲風

觀公孫大娘弟子舞劍器行

昔有佳人公孫氏一舞劍器動四方觀者如山
色沮喪天地爲之久低昂燿如羿射九日落矯
如羣帝驟龍翔來如雷電收震怒罷如江海凝
清光絳脣朱袖兩寂寞晚有弟子傳芬芳臨穎
美人在白帝妙舞此曲神揚揚與余問荅既有
以感時撫事增惋傷先帝侍女八千人公孫劍

器初第一五十年間似反掌風塵瀕洞昏王室
梨園弟子散如煙女樂餘姿映寒日金粟堆南
木已拱瞿塘石城草蕭瑟玳筵急管曲復終樂
極哀來月東出老夫不知其所往足繭荒山轉
愁疾

瘦馬行

東郊瘦馬使我傷骨骼磳兀如堵墻絆之欲動
轉欹側此豈有意仍騰驤細看六印帶官字衆
道三軍遺路傍皮乾剝落雜泥滓毛暗蕭條連

雪霜去歲奔波逐餘寇驕不慣不得將士卒
多騎內廐馬惆悵恐是病乘黃當時歷塊誤一
蹶委棄非汝能周防見人慘淡若哀訴失主錯
莫無晶光天寒遠放雁爲伴日暮不收烏啄瘡
誰家且養願終惠更試明年春草長

枏樹爲風雨所拔歎

倚江枏樹草堂前故老相傳三百年誅茅卜居
總爲此五月髣髴聞寒蟬東南飄風動地至江
翻石走流雲氣幹排雷雨猶力爭根斷泉源豈

歷代詩選 唐杜甫
天意蒼波老樹性所愛浦上童童一青蓋野老
頻留懼雪霜行人不過聽竿籟虎倒龍顛委榛
棘淚痕血點垂胸臆我有新詩何處吟草堂自
此無顏色

短歌行贈王郎司直

王郎酒酣拔劍斫地歌莫哀我能拔爾抑塞磊
落之奇才豫樟翻風白日動鯨魚跋浪滄溟開
且脫劔佩休徘徊西得諸侯棹錦水欲向何門
跋珠履仲宣樓頭春色深青眼高歌望吾子眼

中之人吾老矣

寄岑嘉州

不見故人十年餘不道故人無素書願逢顏色
關塞遠豈意出守江城居外江三峽且相接斗
酒新詩終自踈謝眺每篇堪諷誦馮唐已老聽
吹噓泊船秋夜經春莫伏枕青楓限玉除眼前
所寄選何物贈子雲安雙鯉魚

送孔巢父謝病歸游江東兼呈李白

巢父掉頭不肯住東將入海隨煙霧詩卷長留

歷代詩選 唐杜甫
天地間釣竿欲拂珊瑚樹深山大澤龍蛇遠春
寒野陰風景暮蓬萊織女回雲車指點虛無引
歸路自是君身有仙骨世人那得知其故惜君
只欲苦死留富貴何如草頭露蔡侯靜者意有
餘清夜置酒臨前除罷琴惆悵月照席幾歲寄
我空中書南尋禹穴見李白道甫問訊今何如

樂遊園歌

樂遊古園萃森爽煙絲碧草萋萋長公子華筵
勢最高秦川對酒平如掌長生木瓢示真率更

調鞍馬狂歡賞青春波浪芙蓉園白日雷霆夾
城仗闔闔晴開映蕩蕩曲江翠幕排銀榜拂水
低迴舞袖翻緣雲清切歌聲上却憶年年人醉
時只今未醉已先悲數莖白髮那拋得百罰深
杯亦不辭聖朝已知賤士醜一物自荷皇天慈
此身飲罷無歸處獨立蒼茫自詠詩

漢陂行

岑參兄弟皆好奇攜我遠來遊漢陂天地蹇慘
忽異色波濤萬頃堆瑠璃汗漫泛舟入事殊典

歷代詩選 唐詩
極憂思集鼉作鯨吞不復知惡風白浪何嗟及
主人錦帆相爲開舟子喜甚無氛埃鳧鷖散亂
棹謳發絲管啁啾空翠來沈竿續蔓深莫測菱
葉荷花靜如拭宛在中流渤澥清下歸無極終
南黑半陂已南純浸山動影裊窈冲融間船舫
暝戛雲際寺水面月出藍田關此時驪龍亦吐
珠馮夷擊鼓羣龍趨湘妃漢女出歌舞金支翠
旗光有無咫尺但愁雷雨至蒼茫不曉神靈意
少壯幾時奈老何向來哀樂何其多

冬末以事之東都湖城遇孟雲卿復歸劉
顥宅宿燕飲散因爲醉歌

疾風吹塵暗河縣行子隔手不相見湖城城南
一開眼駐馬獨識雲卿面况非劉顥爲地主嬾
回鞭轡成高宴劉侯歡我攜客來置酒張燈促
華饌且將款曲終今夕休語艱難尚酣戰照室
紅爐促曙光縈窗素月垂文練天開地裂長安
陌寒盡春生洛陽殿豈知驅車復同軌可惜刻
漏隨更箭人生會合不可常庭樹雞鳴淚如綫

大覺寺高僧蘭若

巫山不見廬山遠
松林蘭若秋風晚
一老猶鳴日暮鐘
諸僧尚乞齋時飯
香爐峰色隱晴湖
種杏仙家近白榆
飛錫去年啼邑子
獻花何日許門徒

發劉郎浦

挂帆早發劉郎浦
疾風颯颯昏亭午
舟中無日不沙塵
岬上空村盡豺虎
十日北風風未回
客行歲晚尤相催
白頭厭伴漁人宿
黃帽青鞋歸

去來

發閬中

前有毒蛇後猛虎
谿行盡日無村塢
江風蕭蕭雲拂地
山木慘慘天欲雨
女病妻憂歸意速
秋花錦石誰復數
別家三月一得書
避地何時免愁苦

引水

月峽瞿塘雲作頂
亂石崢嶸俗無井
雲安沽水奴僕悲
魚復移居心力省
白帝城西萬竹蟠
接

盛代詩選
卷三十一
三十一
筒引水喚不乾人生留滯生理難斗水何直百
憂寬

秋風

秋風淅淅吹我衣東流之外西日微天清小城
擣練急石古細路行人稀不知明月爲誰好早
晚孤帆他夜歸會將白髮倚庭樹故園池臺今
是非

清明

著處繁華矜是日長沙千人萬人出渡頭翠柳

豔明眉爭道朱蹄驕鬣膝此都好遊湘西寺諸
將亦自軍中至馬援征行在眼前葛強親近同
心事金鎗下山紅粉晚牙檣揆施青樓遠古時
喪亂皆可知人世悲歡暫相遣弟姪雖存不得
書干戈未息苦離居逢迎少壯非吾道况乃今
朝更被除

晚出左掖

晝刻傳呼淺春旗簇仗齊退朝花底散歸院柳
邊迷樓雪融城濕宮雲去殿低避人焚諫草騎

馬欲雞栖

春宿左省

花隱掖垣暮。啾啾栖鳥過。
星臨萬戶動。月傍九霄多。
不寢聽金鑰。因風想玉珂。
明朝有封事。數問夜如何。

端午日賜衣

官衣亦有名。端午被恩榮。
細葛含風軟。香羅疊雪輕。
自天題處濕。當暑著來清。
意內稱長短。終身荷聖情。

巴西驛亭觀江漲呈竇使君

宿雨南江漲。波濤亂遠峰。
孤亭凌噴薄。萬井逼春容。
霄漢愁高鳥。泥沙困老龍。
天邊同客舍。攜我豁心胸。

觀作橋成月夜舟中有述還呈李司馬

把燭橋成夜。迴舟客坐時。
天高雲去盡。江迥月來遲。
衰謝多扶病。招邀屢有期。
異方乘此興。樂罷不無悲。

夜宿西閣曉呈元二十一曹長

山木抱雲稠寒江繞上頭雪崖纔變石風慢不
依樓社稷堪流涕安危在運籌看君話王室感
動幾銷憂

翫月呈漢中王

夜深露氣清江月滿江城浮客轉危坐歸舟應
獨行關山同一點烏鵲自多驚欲得淮王術風
吹暈已生

天末懷李白

涼風起天末君子意如何鴻雁幾時到江湖秋

水多文章憎命達魑魅喜人過應共冤魂語投
詩贈汨羅

舟中夜雪有懷盧十四侍御弟

朔風吹桂水大雪夜紛紛暗度南樓月寒深北
渚雲燭斜初近見舟重竟無聞不識山陰道聽
雞更憶君

月夜憶舍弟

戍鼓斷人行邊秋一雁聲露從今夜白月是故
鄉明有弟皆分散無家問死生寄書長不達况

乃未休兵

赴青城縣出成都寄陶王二少尹

老被樊籠役貧嗟出入勞客情投異縣詩態憶
吾曹東郭滄江合西山白雪高文章差底病迴
首興泊泊

廣州段功曹到得楊五長史書功曹却歸

聊寄此詩

衛青開幕府楊僕將樓船漢節梅花外春城海
水邊銅梁書遠及珠浦使將旋貧病他鄉老煩

君萬里傳

九日奉寄嚴大夫

九日應愁思經時冒險艱不眠持漢節何路出
巴山小驛香醪嫩重巖細菊斑遙知簇鞍馬回
首白雲間

寄杜位

寒日經簷短窮猿失木悲峽中爲客恨江上憶
君時天地身何往風塵病敢辭封書兩行淚霑
灑衰新詩

奉寄李十五秘書文嶷二首

避暑雲安縣秋風早下來暫留魚復浦同過楚
王臺猿鳥千崖窄江湖萬里開竹枝歌未好畫
舸且遲迴

行李千金贈衣冠八尺身飛騰知有策意度不
無神班秩兼通貴公侯出異人玄成負文采世
業豈沈淪

第五弟豐獨在江左近三四載寂無消息
覓使寄此二首

亂後嗟吾在羈棲見汝難草黃騏驎病沙煖鶴
鷄寒楚設關城險吳吞水府寬三年朝夕淚衣
袖不曾乾

聞汝依山寺杭州寔越州風塵淹別日江漢失
清秋影著啼猿樹魂結蜃樓明年下春水東
盡自雲求

重簡王明府

甲子西南異冬來只薄寒江雲何夜靜蜀雨幾
時乾行李須相問窮愁豈自寬君聽鴻雁響恐

致稻梁難

正月三日歸谿上有作簡院內諸公

野外堂依竹籬邊水向城蟻浮仍臘味鷗泛已
春聲藥許鄰人斲書從稚子擎白頭趨幕府深
覺負平生

示姪佐

多病秋風落君來慰眼前自聞茅屋趣只想竹
林眠滿谷山雲起侵籬澗水懸嗣宗諸子姪早
覺仲容賢

熟食日示宗文宗武

消渴遊江漢羈棲尚甲兵幾年逢熟食萬里逼
清明松柏印山路風花白帝城汝曹催我老回
首淚縱橫

奉酬李都督表文早春作

力疾坐清曉來詩悲早春轉添愁伴客更覺老
隨人紅入桃花嫩青歸柳葉新望鄉猶未已四
海尚風塵

送翰林張司馬南海勒碑

冠冕通南極文章落上台詔從三殿去碑到百蠻開野館濃花發春帆細雨來不知滄海上天遣幾時廻

首冠泛江送客

二月頻送客東津江欲平煙花山際重舟楫浪前輕淚逐勸杯落愁連吹笛生離筵不隔日那得易為情

涪江泛舟送韋班歸京

追餞同舟日傷春一水間飄零為客久衰老羨君還花雜重重樹雲輕處處山天涯故人少更憶鬢毛斑

送裴二尉作尉永嘉

孤嶼亭何處天涯水氣中故人官就此絕境與誰同隱吏逢梅福遊山憶謝公扁舟吾已就把釣待秋風

送韋郎司直歸成都

竄身來蜀地同病得韋郎天下兵戈滿江邊歲

月長別筵花欲暮春日鬢俱蒼爲問南谿竹抽
梢合過墻

送李功曹之荊州充鄭侍御判官重贈

曾聞宋玉宅每欲到荊州此地生涯晚遙悲水
國秋孤城一柱觀落日九江流使者雖光彩青
楓遠自愁

贈韋贊善別

扶病送君發自憐猶不歸祇應盡客淚復作掩
荆扉江漢故人少音書從此稀往還二十載歲

晚寸心違

公安送李二十九弟晉肅入蜀余下沔鄂

正解柴桑纜仍看蜀道行檣烏相背發塞雁一
行鳴南紀連銅柱西江接錦城憑將百錢卜飄
泊問君平

惠義寺送王少尹赴成都分得峰字

萋萋谷中寺娟娟林表峰闌干上處遠結構坐
來重騎馬行春徑衣冠起晚鐘雲門青寂寂此
別惜相從

贈別何邕

生死論交地何由見一人悲君隨燕雀薄宦走
風塵綿谷元通漢沱江不向秦五陵花滿眼傳
語故鄉春

陪鄭廣文遊何將軍山林六首

不識南塘路今知第五橋名園依綠水野竹上
青霄谷口舊相得濠梁同見招平生爲幽興未
惜馬蹄遙

旁舍連高竹踈籬帶晚花碾渦深沒馬藤蔓曲

藏蛇詞賦工無益山林跡未除盡捨書籍賣來
問爾東家

風磴吹陰雪雲門吼瀑泉酒醒思臥簟衣冷欲
裝綿野老來看客河魚不取錢只疑淳朴處自
有一山川

憶過楊柳渚走馬定昆池醉把青荷葉狂遺白
接離刺船思郢客解水乞吳兒坐對秦山晚江
湖興頗隨

牀上書連屋階前樹拂雲將軍不好武稚子總

能文醒酒微風入聽詩靜夜分緇衣挂蘿薜涼
月白紛紛

幽意忽不愜歸期無奈何出門流水住回首白
雲多自笑燈前舞誰憐醉後歌祇應與朋好風
雨亦來過

重過何氏

山雨樽仍在沙沈榻未移犬迎曾宿客鷓鴣落
巢兒雲薄翠微寺天清黃子陂向來幽興極步
屣過東籬

落日平臺上春風啜茗時石欄斜點筆桐葉坐
題詩翡翠鳴衣桁蜻蜓立釣絲自今幽興熟來
往亦無期

與任城許主簿遊南池

秋水通溝洫城隅進小船晚涼看洗馬森木亂
鳴蟬菱熟經時雨蒲荒八月天晨朝降白露遙
想舊青氈

夜宴左氏莊

風林纖月落衣露淨琴張暗水流花逕春星帶

草堂簡書燒燭短看劍引杯長詩罷聞吳詠扁舟意不忘

陪諸貴公子丈八溝攜妓納涼際遇雨二

首

落日放船好輕風生浪遲竹深留客處荷淨納涼時公子調冰水佳人雪藕絲片雲頭上黑應是雨催詩

雨來霑席上風急打船頭越女紅裙濕燕姬翠黛愁纜侵堤柳繫幔卷浪花浮歸路翻蕭颯陂

塘五月秋

九日曲江

綴席茱萸好浮舟菡萏衰百年秋已半九日意兼悲江水清源曲荆門此路疑晚來高興盡搖蕩菊花期

陪章梓州王閬州蘇遂州李果州四使君

登惠義寺

春日無人境虛空不住天鶯花隨世界樓閣倚山巔遲暮身何得登臨意惘然誰能解金印瀟

歷代詩選
唐杜甫
酒共安禪

春日章梓州水亭

城晚通雲霧亭深到芰荷
吏人橋外少秋水席
邊多近屬淮王至高門
薊子過荊州愛山簡吾
醉亦長歌

兼悲季秋蘇五弟纓江樓夜宴崔十三評事韋

少府姪

峽險江驚急樓高月迥明
一時今夕會萬里故
鄉情星落黃姑渚秋辭
白帝城老人因病酒堅

坐看君頌

上巳日徐司錄林園宴集

鬢毛垂領白花蘂亞枝紅
欹倒衰年廢招尋令
節同薄衣臨積水吹面受
和風有喜留攀桂無
勞問轉蓬

遊修覺寺

野寺江天豁山扉花竹幽
詩應有神助吾得及
春遊徑石相縈帶川雲自
去留禪枝宿衆鳥漂
轉暮歸愁

登兗州城樓

東郡趨庭日南樓縱目初浮雲連海岱平野入
青徐孤嶂秦碑在荒城魯殿餘從來多古意臨
眺獨躊躇

望牛頭寺

牛頭見鶴林梯逕遶幽深春色浮山外天河宿
殿陰傳燈無白日布地有黃金休作狂歌老回
看不住心

登牛頭山亭子

路出雙林外亭窺萬井中江城孤照日山谷遠
含風兵革身將老關河信不通猶殘數行淚忍
對百花叢

瞿塘兩崖

三峽傳何處雙崖壯此門入天猶石色穿水忽
雲根猱攫鬚鬣古蛟龍窟宅尊羲和冬馭近愁
畏日車翻

山寺

野寺殘僧少山園細路高麝香眠石竹鸚鵡啄

金桃亂水通人過懸崖置屋牢上方重閣晚百里見纖毫

已上人茅齋

已公茅屋下可以賦新詩枕簟入林僻茶瓜留客遲江蓮搖白羽天棘蔓青絲空忝許詢輩難酬支遁詞

宿贊公房

杖錫何來此秋風已颯然雨荒深院菊霜倒半池蓮放逐寧違性虛空不離禪相逢成夜宿隴

月向人圓

謁真諦寺禪師

蘭若山高處煙霞嶂幾重凍泉依細石晴雪落長松問法看詩妄觀身向酒慵未能割妻子卜宅近前峰

題玄武禪師屋壁

何年顧虎頭滿壁畫滄洲赤日石林氣青天江海流錫飛常近鶴杯渡不驚鷗似得廬山路真隨惠遠遊

過南鄰朱山人水亭

相近竹叅差相過人不知幽花欹滿樹細水曲
通池歸客村非遠殘樽席更移看君多道氣從
此數追隨

野望因過常少仙

野橋齊度馬秋望轉悠哉竹覆青城合江從灌
口來入村樵徑引嘗果栗園開落盡高天日幽
人未遣廻

范二員外邈吳十侍御郁特枉駕闕展待

聊寄此作

暫往比鄰去空聞二妙歸幽棲誠簡略衰白已
光輝野外貧家遠村中好客稀論文或不愧重
肯款柴扉

西郊

時出碧雞坊西郊向草堂市橋官柳細江路野
梅香傍架齊書帙看題減藥囊無人覺來往踈
嬾意何長

漫成

歷代詩選 卷三十二
江臯已仲春花下復清晨仰面貪看鳥迴頭錯
應人讀書難字過貫酒滿壺頻近識峨眉老知
余懶是真

早起

春來常早起幽事頗相關帖石防頽岸開林出
遠山一丘藏曲折緩步有躋攀童僕來城市餅
中得酒還

可憐

花飛有底急老去願春遲可惜歡娛地都非少

壯時寬心應是酒遣興莫過詩此意陶潛解吾
生後汝期

落日

落日在簾鉤谿邊春事幽芳菲緣岸圃樵爨倚
灘舟啁雀爭枝墜飛蟲滿院遊濁醪誰造汝一
酌散千憂

倚杖

看花雖郭外倚杖卽谿邊山縣早休市江橋春
聚船狎鷗輕白浪歸雁喜青天物色兼生意淒

涼憶去年

不離西閣

江柳非時發江花冷色頻地偏應有瘴臘近已
含春失學從愚子無家任老身不知西閣意肯
別定留人

一室

一室他鄉遠空林暮景懸正愁聞塞笛獨立見
江船巴蜀來多病荆蠻去幾年應同王粲宅留
井峴山前

暮春題瀼西新賃草堂

北郊千樹橘不見比封君養拙干戈際全生麋
鹿羣畏人江北草旅食瀼西雲萬里巴渝曲三
年實飽聞
壯年學書劍他日委泥沙事主非無祿浮生卽
有涯高齋依藥餌絕域改春華喪亂丹心破王
臣未一家

秋野

秋野日疏蕪寒江動碧虛繫舟蠻井絡卜宅楚

歷代詩選 唐杜甫
村墟棗熟從人打，葵荒欲自鋤。盤餐老夫食，分
減及谿魚。

禮樂攻吾短，山林引興長。掉頭紗帽側，曝背竹
書光。風落收松子，天寒割蜜房。稀疎小紅翠，駐
屐近微香。

身許麒麟畫，年衰鷓鴣羣。大江秋易盛，空峽夜
多聞。逕隱千重石，帆留一片雲。兒童解蠻語，不
必作參軍。

谿上

峽內淹留客，谿邊四五家。古苔生迤地，秋竹隱
踈花。塞俗人無井，山田飯有沙。西江使船至，時
復問京華。

春江不可渡，二月已風濤。舟楫欹斜疾，魚龍偃
臥高。渚花張素錦，汀草亂青袍。戲問垂綸客，悠
悠見汝曹。

船下夔州郭，宿雨濕不得。上峽別王十二

判官

依沙宿舸船石瀨月娟娟風起春燈亂江鳴夜
雨懸晨鐘雲外濕勝地石堂煙柔櫓輕鷗外舍
悽覺汝賢

去蜀
五載客蜀郡二年居梓州如何關塞阻轉作瀟
湘遊世事已黃髮殘生隨白鷗安危大臣在不
必淚長流

舟月對驛近寺田
更深不假燭月朗自明船金刹青楓外朱樓白

水邊城鳥啼耿耿野鷺宿娟娟皓首江湖客鈎
簾獨未眠

移居公安山館

南國晝多霧北風天正寒路危行木杪身遠宿
雲端山鬼吹燈滅厨人語夜闌雞鳴問前館世
亂敢求安

宿青草湖

洞庭猶在目青草續爲名宿槩依農事郵籤報
水程寒冰爭倚薄雲月遞微明湖雁雙雙起人

來故北征

宿白沙驛

水宿仍餘照人煙復此亭驛邊沙舊白湖外草
新青萬象皆春氣孤槎自客星隨波無限月的
近南溟
入喬口
漠漠舊京遠遲遲歸路賒殘年傍水國落日對
春華樹密早蜂亂江泥輕燕斜賈生骨已朽悽
惻近長沙

石鏡

蜀王將此鏡送死置空山冥冥憐香骨提攜近
玉顏衆妃無復歎千騎亦虛還獨有傷心石埋
輪月宇間
琴臺
茂陵多病後尚愛卓文君酒肆人間世琴臺日
暮雲野花留寶曆蔓草見羅裙歸鳳求凰意寥
寥不復聞

滕王亭子

歷代詩選 唐杜甫
寂寞春山路君玉不復行古牆猶竹色虛閣自
松聲鳥鵲荒村暮雲霞過客情尚思歌吹入千
騎把霓旌

禹廟

禹廟空山裏秋風落日斜荒庭垂橘柚古屋畫
龍蛇雲氣生虛壁江聲走白沙早知乘四載疏
鑿控三巴

湘夫人祠

蕭蕭湘妃廟空墻碧水春蟲書玉珮蘼蕪舞畫

帷塵晚泊登汀樹微馨借渚蘋蒼梧恨不盡淚
染在叢筠

祠南夕望

百丈牽江色孤舟泛日斜興來猶杖屨目斷更
雲沙山鬼迷春竹湘娥倚暮花湖南清絕地萬
古一長嗟

西山

辛苦三城戍長防萬里秋煙塵侵火井雨雪閉
松州風動將軍幕天寒使者裘漫山賊營壘回

首得無憂

洞房

洞房環珮冷玉殿起秋風秦地應新月龍池滿
舊宮繫舟今夜遠清漏往時同萬里黃山北園
陵白露中

擣衣

亦知戍不返秋至拭清砧已近苦寒月況經長
別心寧辭擣衣倦一寄塞垣深用盡閨中力君
聽空外音

秦州

蒲目悲生事因人作遠遊遲迴度隴怯浩蕩及
關愁水落魚龍夜山空鳥鼠秋西征問烽火心
折此淹留

秦州城北寺傳是隗囂宮苔蘚山門古丹青野

殿空月明垂葉露雲逐渡谿風清渭無情極愁

時獨向東

雲氣接崑崙淅淅塞雨繁羌童看渭水使客向
河源煙火軍中幕牛羊嶺上村所居秋草靜正

歷代詩選
卷三十三
閉小蓬門

山頭南郭寺水號北流泉老樹空庭得清渠一
邑傳秋花危石底晚景臥鐘邊俯仰悲身世谿
風爲颯然
鳳林戈未息魚海路常難候火雲峰峻懸軍幕
井乾風連西極動月過北庭寒故老思飛將何
時議築壇

迨邇來三蜀蹉跎又六年客身逢故舊發興自
林泉過嬾從衣結頻遊任履穿藩籬頗無限恣

意向江天

種竹交加翠栽桃爛熳紅經心石鏡月到面雪
山風赤管隨王命銀章付老翁豈知牙齒落名
玷薦賢中

東樓

萬里流沙道征西過此門但添新戰骨不返舊
征魂樓角凌風迥城陰帶水昏傳聲看驛使送
節向河源

出郭

歷代詩選 唐杜甫
霜露晚淒淒高天逐望低遠煙鹽井上斜景雪
峰西故園猶兵馬他鄉亦鼓鼙江城今夜客還
與舊鳥啼

西閣雨望

樓雨霑雲慢山寒著水城逕添沙面出湍減石
稜生菊蕊淒踈放松林駐遠情滂沱朱檻濕萬
慮傍簷楹

草閣

草閣臨無地柴扉水不關魚龍回夜水星月動

秋山久露晴初濕高雲薄未還汎舟慙小婦飄
泊損紅顏

秋峽

江濤萬古峽肺氣久衰翁不寐防巴虎全生狎
楚童衣裳垂素髮門巷落丹楓嘗恠商山老兼
存劬贊功

薄遊

浙浙風生砌團團月隱墻遙空秋雁滅半嶺暮
雲長病葉多先墜寒花只暫香巴城添淚眼今

歷代詩選 唐杜甫
夕復清光

客亭

秋窗猶曙色木落更天風日出寒山外江流宿霧中聖朝無棄物老病已成翁多少殘生事飄零任轉蓬

愁坐

高齋常見野愁坐更臨門十月山寒重孤城水氣昏葭萌氏種迥左擔犬戎存終日憂奔走歸期未敢論

憶鄭南玘

鄭南伏毒寺瀟灑到江心石影銜珠閣泉聲帶玉琴風杉曾曙倚雲嶠憶春臨萬里滄浪水龍蛇只自深

懷灞上遊

悵望東陵道平生灞上遊春濃停野騎夜宿敞雲樓離別人誰在經過老自休眼前今古意江漢一歸舟

草堂卽事

荒村建子月獨樹老夫家雪裏江船渡風前徑
竹斜寒魚依密藻宿鷺起圓沙濁酒禁愁得無
錢何處賒

村夜

風色蕭蕭暮江頭人不行村春雨外急鄰火夜
深明胡羯何多難漁樵寄此生中原有兄弟萬
里正含情

倦夜

竹涼侵臥內野月滿庭隅重露成涓滴稀星乍

有無暗飛螢自照水宿鳥相呼萬事干戈裏空
悲清夜徂

日暮

牛羊下來夕各已閉柴門風月自清夜江山非
故園石泉流暗壁草露滿秋原頭白明燈裏何
須花燼繁

朝二首

清旭楚宮南霜空萬嶺合野人時獨往雲木曉
相參俊鶻無聲過饑鳥下食貪病身終不動搖

落任江潭

浦帆晨初發
郊扉冷未開
林疎黃葉墜
野靜白鷗來
礎潤休全濕
雲晴欲半回
巫山冬可怪
昨夜有奔雷

曉望

白帝更聲盡
陽臺曉色分
高峰寒上日
疊嶺宿霾雲
地坼江帆隱
天清木葉聞
荆扉對麋鹿
應共爾為羣

春夜喜雨

好雨知時節
當春乃發生
隨風潛入夜
潤物細無聲
野徑雲俱黑
江船火獨明
曉看紅濕處
花重錦官城

月夜

今夜鄜州月
閨中只獨看
遙憐小兒女
未解憶長安
香霧雲鬟濕
清輝玉臂寒
何時倚虛幌
雙照淚痕乾

天河

常時任顯晦
秋至最分明
縱被微雲掩
終能永

夜清含星動雙闕伴月落邊城牛女年年渡何
魯風浪生

初月

光細弦欲上影斜輪未安微升古塞外已隱暮
雲端河漢不改色關山空自寒庭前有白露暗
滿菊花團

月

斷續巫山雨天河此夜新若無青嶂月愁殺白
頭人魍魎移深樹蝦蟇動半輪故園當北斗直

指照西秦

子規

峽裏雲安縣江樓翼瓦齊兩邊山木合終日子
規啼耿耿春風見蕭蕭夜色淒客愁那聽此故
作傍人低

孤雁

孤雁不飲啄飛鳴聲念羣誰憐一片影相失萬
里雲望盡似猶見哀多如更聞野鷗無意緒鳴
噪自紛紛

因許八奉寄江寧旻上人

不見旻公三十年封書寄與淚潺湲
舊來好事今能否老去新誰誰
與傳碁局動隨幽澗竹
袈裟憶上泛湖船聞君話我爲官在頭白昏昏只醉眠

暮登四安寺鐘樓寄裴十迪

暮倚高樓對雪峰僧來不語自鳴鐘
孤城返照紅將歛近市浮煙翠且重
多病獨愁常闕寂故人相見未從容
知君苦思緣詩瘦太向交游萬

事慵

寄杜位

近聞寬法離新州想見歸懷尚百憂
逐客雖皆萬里去悲君已是十年流
干戈況復塵隨眼鬢髮還應雪滿頭
玉壘題書心緒亂何時更得曲江遊

將赴成都草堂途中有作先寄嚴鄭公

得歸茅屋赴成都真爲文翁再剖符
但使閭閻還揖讓敢論松菊久荒蕪
魚知丙穴由來美酒

歷代詩選 卷之四
憶郫筒不用沽五馬舊曾諳小徑幾迴書札待
潛夫
竹寒沙碧浣花溪橘刺藤梢咫尺迷過客徑須
愁出入居人不自解東西書籤藥裹封蛛網野
店山橋送馬蹄肯藉荒亭春草色先判一飲醉
如泥

送韓十四江東覲省

兵戈不見老萊衣歎息人間萬事非我已無家
尋弟妹君今何處訪庭闈黃牛峽靜灘聲轉白

馬江寒樹影稀此別還須各努力故鄉猶恐未
同歸

九日藍田崔氏莊

老去悲秋強自寬興來今日盡君歡羞將短髮
還吹帽笑倩傍人爲正冠藍水遠從千澗落玉
山高竝兩峰寒明年此會知誰健醉把茱萸子
細看

嚴中丞仲夏枉駕草堂兼攜酒饌得寒字
竹裏行厨洗玉盤花邊立馬簇金鞍非關使者

徵求急自識將軍禮數寬百年地僻柴門迥五月江深草閣寒看弄漁舟移白日老農何有罄交歡

滕王亭子

君王臺榭枕巴山萬丈丹梯尚可攀春日鶯啼修竹裏仙家犬吠白雲間清江碧石傷心麗嫩蕊濃花滿目斑人到于今歌出牧來遊此地不知還

玉臺觀

中天積翠玉臺遙上帝高居絳節朝遂有馮夷來擊鼓始知羸女善吹簫江光隱見鼉鼉窟石勢參差烏鵲橋更有紅顏生羽翰便應黃髮老漁樵

灩澦

灩澦旣沒孤根深西來水多愁太陰江天漠漠鳥雙去風雨時時龍一吟舟人漁子歌回首估客胡商淚滿襟寄語舟航惡年少休翻鹽井橫黃金

客至

舍南舍北皆春水，但見羣鷗日日來。
 花徑不曾緣客掃，蓬門今始為君開。
 盤餐市遠無兼味，樽酒家貧只舊醅。
 肯與鄰翁相對飲，隔籬呼取盡餘杯。

題張氏隱居

春山無伴獨相求，伐木丁丁山更幽。
 澗道餘寒歷冰雪，石門斜日到林丘。
 不貪夜識金銀氣，遠害朝看麋鹿遊。
 乘興杳然迷出處，對君疑是泛

虛舟

野老

野老籬前江岬迴，柴門不正逐江開。
 漁人網集澄潭下，賈客船隨返照來。
 長路關心悲劔閣，片雲何意傍琴臺。
 王師未報收東郡，城闕秋生畫角哀。

蜀相

丞相祠堂何處尋，錦官城外柏森森。
 映階碧草自春色，隔葉黃鸝空好音。
 三顧頻繁天下計，兩

歷代詩選 唐杜甫 五十七
朝開濟老臣心出師未捷身先死長使英雄淚
滿襟

詠懷古跡

支離東北風塵際漂泊西南天地間三峽樓臺
淹日月五谿衣服共雲山羯胡事主終無賴詞
客哀時且未還庾信平生最蕭瑟暮年詩賦動
江關
搖落深知宋玉悲風流儒雅亦吾師悵望千秋
一灑淚蕭條異代不同時江山故宅空文藻雲

雨荒臺豈夢思最是楚宮俱泯滅舟人指點到
今疑

羣山萬壑赴荆門生長明妃尚有村一去紫臺
連朔漠獨留青塚向黃昏畫圖省識春風面環
珮空歸月夜魂千歲琵琶作胡語分明怨恨曲
中論

秋興

玉露凋傷楓樹林巫山巫峽氣蕭森江間波浪
兼天湧塞上風雲接地陰叢菊兩開他日淚孤

舟天繫故園心寒衣處處催刀尺白帝城高急
 暮砧風動樹林巫山巫峽猿聲滿森玉樹
 千家山郭靜朝暉日日江樓坐翠微信宿漁人
 還汎汎清秋燕子故飛飛匡衡抗疏功名薄劉
 向傳經心事違同學少年多不賤五陵衣馬自
 輕肥
 山恨別
 洛城一別四千里胡騎長驅五六年草木變衰
 行劍外兵戈阻絕老江邊思家步月清宵立憶

弟看雲白日眠聞道河陽近乘勝司徒急為破

幽燕

野望

西山白雪三城戍南浦清江萬里橋海內風塵
 諸弟隔天涯涕淚一身遙惟將遲暮供多病未
 有涓埃答聖朝跨馬出郊時極目不堪人事日
 蕭條

返照

楚王宮北正黃昏白帝城西過雨痕返照入江

歷代詩選 卷三十一
翻石壁歸雲擁樹失山村衰年肺病惟高枕絕
塞愁時早閉門不可久留豺虎亂南方實有未
招魂

狂夫

萬里橋西一草堂百花潭水卽滄浪風含翠篠
娟娟淨雨裊紅蕖冉冉香厚祿故人書斷絕恒
饑稚子色淒涼欲填溝壑惟踈放自笑狂夫老
更狂

宿府

清秋幕府井梧寒獨宿江城蠟炬殘永夜角聲
悲自語中天月色好誰看風塵荏苒音書絕關
塞蕭條行路難已忍伶俜十年事彊移栖息一
枝安

暮歸

霜黃碧梧白鶴栖城上擊柝復烏啼客子入門
月皎皎誰家搗練風淒淒南渡桂水闕舟楫北
歸秦川多鼓鞞年過半百不稱意明日看雲還
杖藜

所思

苦憶荊州醉司馬謫官樽酒定常開九江日落
醒何處一柱觀頭眠幾迴可憐懷抱向人盡欲
問平安無使來故憑錦水將雙淚好過瞿塘灩
澦堆

小寒食舟中作

佳辰強飲食猶寒隱几蕭條戴鶻冠春水船如
天上坐老年花似霧中看娟娟戲蝶過開幔片
片輕鷗下急湍雲白山青萬餘里愁看直北是

長安

閣夜

歲暮陰陽催短景天涯霜雪霽寒宵五更鼓角
聲悲壯三峽星河影動搖野哭千家聞戰伐夷
歌幾處起漁樵臥龍躍馬終黃土人事音書漫
寂寥

冬至

年年至日長爲客忽忽窮愁泥煞人江上形容
吾獨老天涯風俗自相親杖藜雪後臨丹壑鳴

玉朝來散紫宸心折此時無一寸路迷何處是
三秦至日長安

小至

天時人事日相催冬至陽生春又來刺繡五紋
添羽線吹葭六琯動浮灰岍容待臘將舒柳山
意衝寒欲放梅雲物不殊鄉國異教兒且覆掌
中杯

吹笛

吹笛秋山風月清誰家巧作斷腸聲風飄律呂

相和切月傍關山幾處明胡騎中宵堪北走武
陵遺曲想南征故園楊柳今搖落何得愁中却
盡生

燕子來舟中作

湖南為客動經春燕子銜泥兩度新舊入故園
嘗識主如今社日遠看人可憐處處巢居室何
異飄飄託此身暫語船檣還起去穿花帖水益
露巾

奉送嚴公入朝十韻

鼎湖瞻望遠象闕憲章新四海猶多難中原憶
舊臣與時安反側自昔有經綸感激張天步從
容靜塞塵南圖廻羽翮北極奉星辰漏鼓還思
書宮鶯罷嘯春空留玉帳術愁殺錦城人閣道
通丹地江潭隱白蘋此生那老蜀不死會歸秦
公若登台輔臨危莫愛身

蓋主送嚴侍郎到綿州同登杜使君江樓宴得

刻巖山心字

野興每難盡江樓延賞心歸朝送使節落景惜

登臨稍稍煙集渚微微風動襟重船依淺瀨輕
鳥度層陰檻峻背幽谷窗虛交茂林燈光散遠
近月影靜高深城擁朝來客天橫醉後參窮途
衰謝意苦調短長吟此會共能幾諸孫賢至今
不勞朱戶閉自待白河沈

千秋有感

自罷千秋節頻傷八月來先朝常晏會壯觀已
塵埃鳳紀編生日龍池塹劫灰湘川新涕淚秦
樹遠樓臺寶鏡羣臣得金吾萬國廻衢樽不重

飲白首獨餘哀

奉觀嚴鄭公廳事岷山沱江畫圖十韻

沱水臨中坐岷山到北堂
白波吹粉壁青嶂插雕梁
直訝杉松冷兼疑菱荇香
雪雲虛點綴沙草得微茫
嶺雁隨毫末川蜺飲練光
霏紅洲蘂亂拂黛石蘿長
暗谷非關雨丹楓不為霜
秋成玄圃外景物洞庭傍
繪事功殊絕幽襟興激昂
從來謝太傅丘壑道難忘

武侯廟

遺廟丹青落空山草木長
猶聞辭後主不復臥

南陽

八陣圖

功蓋三分國名成八陣圖
江流石不轉遺恨失吞吳

絕句

聞道巴山裏春船正好行
都將百年興一望九

江城

闕題

三月雪連夜未應傷物華只緣春欲盡留着伴
梨花

少年行

馬上誰家白面郎臨階下馬坐人牀不通姓字
麤豪甚指點銀瓶索酒嘗

贈花卿

錦城絲管日紛紛半入江風半入雲此曲祇應
天上有人間能得幾回聞

重贈鄭鍊絕句

鄭子將行罷使臣囊無一物獻尊親江山路遠
羈離日表馬誰為感激人

投簡梓州幕府兼簡韋十郎

幕下郎官安穩無從來不奉一行書因知貧病
人須棄能使韋郎跡也踈

虢國夫人

虢國夫人承主恩平明上馬入宮門却嫌脂粉
澹顏色淡掃蛾眉朝至尊

漫興

懶慢無堪不出村呼兒自在掩柴門
蒼苔濁酒林中靜碧水春風野外昏



